

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Muir. A. Azim (atba)

08 Mai 2020

14 Ramadhan 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Le Laila-tul-Qadr et Itikaaf

Dans So Sagesse infinie, Allah (swt) fine prescrire à So bane créatures bane règles [bane règlements, bane la lois] interchangeable ki assure pour zot ene la vie digne dans sa le monde là, et la félicité dans l'au-delà.

Parmi sa bane règlements là ena le jeûne ki Li fine ordonné à bane communautés successives de croyants. Roza li pas seulement veut dire reste sans manger, sans boire, mais li bizin aussi accompagner avec ene maîtrise de bane senses et plus particulièrement de nous la langue, kot l'homme bizin conne contrôle so la langue, et pas dire n'importe quoi, spécialement dans sa bane jours et nuits béni de Ramadhan là.

L'exercice spirituel ki Roza représenter bizin démontrer à l'homme so capacité pou prive li-même pour ene temps de saki li ti considérer comme indispensable. Sa privation là, sa Roza là bizin révèle li ki, dans sa domaine là, comme dans bien d'autres domaines aussi, kan li ena volonté pou faire ene kitchose, alors li pou réussi, mais faudé avant tout ki so l'intention bizin ferme et ki le but rechercher c'est le plaisir d'Allah.

Le but d'ene tel acte d'adoration (acte d'*Ibaadat*) fine clairement défini comme la recherche de l'état de crainte révérencielle d'Allah (la piété, *Taqwa*) ki le critère de supériorité [ki démontrer la supériorité] d'ene dimoune lors ene l'autre [ki bazé lors so degré de *Taqwa*]. Sa qualité là li mesurer zis par celui de bane actions ki témoin de sa.

L'école ki Roza représenter li sans équivalent et bizin amène sakaine d'entre nous pou faire taire en nous-mêmes la tendance pou domine les autres, pou pas ena ou démontrer l'ostentation [show-off], la crainte de bane les autres, autre ki Allah, et tous bane mauvais façon ki Shaytane rode dévier dimounes, parski Shaytane le seul véritable ennemi de la race humaine [de bane dimounes].

Le diplôme ki sanctionne le mois du jeûne [*Roza*] li ene totalité de bane vertus ki nourri le croyant durant le court séjour ki li bizin rester lors sa la terre là, et ki, nous bizin garde à l'esprit, sa la vie lors la terre là li représente ene totalité de bane épreuves ki nous bizin subir, et ki seul nous retour vers Allah pou capave mette ene fin à sa.

Dans ene le monde kot la matière vine l'unité de mesure sacralisé, Roza pendant le mois de Ramadhan li là pour relativize la conception dominante et pour fourni à bane ki oulé, ene z'arme contre tous bane épreuves. Roza li vine alors ene bouclier pou tous sa bane croyants là.

Le jeûne du mois de Ramadhan [*Roza, Sawm, Siyaam*] constituer le quatrième de bane cinq bases fondamentales lors le quel l'islam fine fonder. L'obligation pou garde Roza fine instituer pour bane musulmans, dans deuxième l'année Hijra, par la révélation de sa verset Quran: « **Ô bane croyants! Roza (Siyaam, Sawm) fine prescrire pou zot couma li ti prescrire pou bane avant zot, afin ki zot atteindre la piété.** » (Al-Baqara 2: 184).

Le Saint Prophète de l'Islam Hazrat Muhammad (saws) fine dire nous à so propos : « *C'est le mois de la patience, et la récompense de la patience c'est le paradis. C'est le mois de don. C'est ene mois dans lequel bane ressources d'ene croyant augmenter. Ene mois ki so commencement c'est la miséricorde, so milieu c'est le pardon et so la fin c'est l'affranchissement du feu de l'enfer.* » (Bayhaqi).

Kan nous cause Ramadhan, nous cause aussi de *Laila-tul-Qadr* (la Nuit du Destin), ene la nuit ki extraordinairement béni et ki réservée à bane serviteurs sincères ki faire z'efforts pou rode so bane bienfaits ; ene telle la nuit ki vaut plisse ki mille mois de bénédictions.

Concernant la Nuit du Destin, le Saint Prophète (saws) fine dire: « *Tous bane fautes passées zot pardonné à celui ki passe la Nuit du Destin en étant réveiller et zot reste éveiller avec la piété et avec la foi et l'espoir pou gagne récompense.* » (Muslim).

Le Saint Prophète (saws) fine aussi dire: « *Rode la Nuit du Destin parmi bane la nuits impaires dans derniers 10 jours du mois de Ramadhan.* » (Bukhari)

C'est-à-dire la nuit ki so le lendemain corresponne à 21, 23, 25, 27, ou 29 jours de Ramadhan.

Le Saint Prophète (saws) recommande pou répète sa *duah* là au cours de la Nuit du Destin (*Laila-tul-Qadr*): « **Allaahumma innaka 'affuwun tuhibbul 'afwa fa'fu 'annee'**. » (Ô Allah, To Celui ki pardonner et To content pardonner, alors pardonne-moi). (Mishkat, Ibn Majah et Tirmidhi).

Afin pou rode le *Laila-tul-Qadr*, le Saint Prophète (saws), So bane compagnons, So bane madames et bane croyants dans bane premiers temps de l'islam, et ce jusqu'à nos jours, zot alle en retraite spirituelle (*l'tikaaf*). Sa retraite là consister à reste dans Masjid dans ene l'esprit de dévotion pour plaire à Allah. Le Saint Prophète (saws) fine reste *l'tikaaf* dans bane derniers 10 jours de Ramadhan et pas fine arrête pratique li, jusqu'à so la mort [kot dans dernier l'année avant li mort, li fine reste 20 jours *l'tikaaf*]. Li fine dire : « *Masjid c'est le refuge de sak dimoune pieux. Allah fine promette à celui ki reste l'tikaaf là-dans pou accorde li la sérénité et la miséricorde, et pou faire li parvenir à So grâce dans paradis.* » (Tirmidhi).

Bane derniers dix jours Ramadhan pé approcher à grands pas. La Nuit du Destin li à nous portée de deux façons. Premièrement, physiquement pendant la Nuit du Ramadhan, et deuxièmement pendant la vie entière d'ene Messenger d'Allah kot le Saint Esprit (*Ruh'il Qoudouss*) déssane lors l'Élu d'Allah pour répanne la bénédiction divine en forme de bane révélations divines pour la guidance de

l'humanité. De ce fait, sa la Nuit béni là, Allah fine réserve li pou zot de sa deux façons là parski c'est pas tous les jours ou tous les ans ki ene dimoune ou un peuple ou le monde dans so l'ensemble témoigne de l'arrivée d'ene Messenger d'Allah pour donne li bane avertissements et aussi pou donne li la bonne nouvelle ki vine de côté d'Allah.

Chanceux à tous bane ki vive au jour le jour sa la Nuit béni là, ene telle l'époque ki plongé dans noirté mais ki ré-prend la vie grâce à l'avènement d'ene Messenger d'Allah. Ene tel Messenger ki ene conseiller sincère pour bane dimounes. À travers bane révélations et bane instructions divines, li donne bane avertissements et faire bane prophéties. Et Allah conne très bien bane ki montrer zot vraiment sincères et bane ki moins sincères, et ena bane ki, couma mo fine dire zot dans mo message du 05 Mai 2020, quoique zot sincères, mais si le moment de zot la mort fine décrété, parski la mort li inévitable, alors, sa bane là très certainement mort, mais ensuite zot revivre dans la plénitude éternelle, dans le plaisir d'Allah dans So paradis.

De ce fait, mo annonce zot la triste nouvelle de la mort de papa de mo très cher disciple K.M. Saleem Sahib, hier le 07 Mai 2020. Li ti appelle Kaja Mydeen [Khawja Mohyuddin] (pareil couma so garçon aussi). Li ti âgé de 8[3] ans. Pendant mo visite dans Inde en 2018, mo ti zoine li, et après sa rencontre là, li fine prend la décision pou intégrer le Jamaat Ul Sahih Al Islam pareil couma so bane garçon, so madame et so la famille entier. Un an de cela exactement [07 Mai 2019-2020], li fine tombe gravement malade et so la famille ti informe de so l'état critique et zot fine trouve ene miracle kan li fine rétabli. *Alhamdulillah*. En vérité, sa ti là seulement ene sursi ki Allah fine accorde, et après un an exactement, so l'heure fine vini et Allah fine prend li avec Li. **Innallilaahi wa inna ilayhi raajeeoune.**

[Hazrat Khalifatullah (atba) fine raconte ene rêve ki li ti fer le 06 Mai 2020 le matin après Sehri et Salat-ul-Fajr, avant li gagne nouvelle ki Kaja Mydeen Sahib bien malade. Li fine trouve ene rassemblement de bane dimounes, et li fine trouve détros dimoune prend ene dimoune ki couvert en mauve, et zot fine attrape so deux la main, pé prend li pé aller. Alors Hazrat Khalifatullah (atba) fine crier zot et dire zot kot zot pé amène li, sa dimoune là li ensam avec li, mais bane là fine dire non, ki fine arrive pou zot prend li zot aller. Hazrat Khalifatullah (atba) insister ki sa dimoune là là avec li, retourne li. Zot dire, non, pas pou capave retourne li. Toute suite après, sa linge nette en mauve là li nek changer et vine chemise et

pantalon en blanc et pour le Khalifatullah, li pé trouve ene jeune ki pé aller. Hazrat Khalifatullah (atba) sa moment là li pé conner pou arrive ene zaffaire, ene malheur, mais pour li, li ti pé penser et calculer, bé ki bane jeunes coumsa ki pou arrive zot/ li ene malheur. C'est à soir, après Namaz Tarawee, vers 10-10.30PM (Maurice), so garçon téléphone moi pou annonce moi so papa malade beaucoup ; voilà ki zot fine amène li l'hôpital.]

Certainement, nous tous nous appartenir à Allah, et c'est vers Li le retour. Li fine succombe à so maladie ki fine vine pli grave avec ene contamination de Coronavirus, d'après saki bane officiers Gouvernement Indien fine dire.

Dans sa la peine terrible là, so l'entourage, bane Ahmadis non Sahih-al-Islam fine réjouir de sa nouvelle là ki ene membre Sahih al Islam fine mort avec COVID-19 et zot fine prend ene plaisir bien dégoûtant pou blâme mo cher disciple Saleem Sahib kot zot blâme li ki c'est li ki fine diriger tout so la famille, y compris so papa vers ene chemin kot pas ena la lumière ditout, ene chemin de noirté. Zot oublier par la même occasion ki bane opposants ki fer bane même traitement à Hazrat Massih Maoud Mirza Ghulam Ahmad (as) et so bane suivants pendant la manifestation de la peste. Zot oublier ki le Messie Promis fine confirmer ki bane Ahmadis fine bel et bien contaminer avec la peste et ki sa veut en aucun dire ki le Mouvement Ahmadiyya, ou même so mandat en tant ki Messie et Messenger d'Allah ti fausse. *Nawzoubillah*. [Référence : Haqiqatul Wahy, Version Anglais p. 713, publié par la Communauté Musulmane Ahmadiyya].

Et zot oublier ki même zot chef spirituel fine annonce le décès de so bane membres du COVID-19, y comprit ene serviteur [Rana Naemuddin Sahib] ki ti servi le Khilafat-ul-Massih depuis l'époque du Musleh Maoud (ra) et ki ti mort à l'âge de 86 ans. Zot pé réjouir, mais zot oublier ki Allah ena le tout pouvoir pou renverser zot moqueries et afflige zot de bane malheurs. En vérité, mo vraiment inquiet pour sa bane dimounes ki pé lance toutes sortes accusations lors mo bane disciples sincères. Mo pas gagne tracas pour mo bane disciples sincères parski mo tout à fait confiant ki Allah pou protège zot tous les temps, pareil couma Li pé montrer So protection lors zot tous les jours. Bien sûr, zot pou passe par toutes sortes kalité épreuves, pareil couma le Khalifatullah d'ailleurs, mais nous véracité pas pou tarder pou être percevoir par bane les cœurs sincères et ki assoiffés de lumière. *Insha-Allah*.

Hier (le 07 Mai 2020), vers 14.50, après ki mo fine cause avec Saleem Sahib lors la santé bien critique de so papa, mo fine fer beaucoup *duahs* avec Allah pour donne à tout so famille la patience dans sa bane moments bien difficiles là. Allah fine révèle moi sa texte là lors la patience :

Bismillah-ir-Rahman-ir-Rahim

Allah Ta'ala dire : « **Aide zot-même par As-Sabr et par la prière. En vérité, Allah Li avec bane ki ena patience.** » (Al-Baqara 2 : 154).

As-Sabr : La persévérance, la patience et l'endurance faire partie de bane devoirs du cœur. Li consiste pou arrête l'âme, mette ene frein et pou force li pou supporte saki oppose à so bane penchants ou pou délaisse bane plaisirs. *As-Sabr* li de trois types : Persévérer dans la pratique de saki Allah fine rende obligatoire comme obéissances. Prend patience en restant loin avec saki Allah fine interdit nous.

1. Persévérer dans la pratique de saki Allah fine rende obligatoire : C'est contraindre [force] l'âme pou applique bane obligations religieuses ki Allah (swt) fine ordonné, pou reste fidèle dans l'unicité d'Allah, pou accepter le Messager d'Allah, pou respecter zot bane *Bai'at* ki zot fine faire avec Allah et So Messager malgré bane grands difficultés ki vini.

2. Pou prend patience de saki Allah fine décrété, pas tourne le dos avec saki Allah fine décrété et sa nécessite ene gros z'effort pour contraindre zot l'âme et pou retenir li pou commette bane kitchoses interdits, faudé pas zot dire bane gros mots envers Allah et So Messager, faudé pas zot abandonne la prière et bane les autres kitchoses ki zot ena l'habitude pou faire pour la cause d'Allah. Prend ene jolie patience pour ki zot gagne ene grand récompense.

3. Endurer dans bane difficultés et bane épreuves : C'est-à-dire, vis-à-vis de saki dérange ou l'âme : souffrance, bane mal, bane difficultés dans bane conditions de la vie ou tristesse ki affecter l'homme à cause d'ene malheur. La vie de sa le monde ici-bas là li en effet la demeure de l'adversité et de la mise à l'épreuve ainsi ki la demeure de bane actions, alors ki l'au-delà li la demeure de la remise des comptes.

Le Messager d'Allah (saws) fine dire : « *En vérité Allah Ta'ala dire : 'Kan Mo éprouve Mo serviteur par la perte de l'usage de so lizié et ki li prend patience, Mo pou donne li en échange le paradis'. »*

La satisfaction envers Allah, dans le sens pou soumettre à Li : c'est le devoir de sak dimoune responsable pou pas faire objection contre Allah Ta'ala et pou satisfaire li de So prédestination et de So destinée [décret].

La satisfaction envers Allah faire partie de bane devoirs du cœur. Li veut dire être soumis à Li (twa). En fait beaucoup de bane dimoune tombe dans bane péchés parski zot pas fine prend patience dans bane épreuves. Zot tombe dans bane péchés plus graves encore, en tournant le dos avec Allah (twa) et So Messager, et zot ridiculise bane paroles divines. Li convenir à tous bane dimoune ki trouve dans le navire d'Allah, ki ena comme capitaine spirituel le Messager d'Allah pou embellir zot de patience et pou habituer zot l'âme pou prend patience, pou soumettre zot entièrement à Allah et pou fier zot à Li dans tout circonstance.

*** *** ***

C'est seulement vers 16.05 heure locale (Maurice) ki mo cher disciple Saleem Sahib fine téléphone moi pour informe moi ki so papa fine intékaal. Après ki mo fine reconforte et encourage li, vers 16.20, mo fine recevoir sa bane versets Quran là comme révélations :

- **Wa'ufaw-wizu amrii ilallaah. Innallaaha Basiirum bil ibaad.**
Moi mo confier mo destin à Allah, car c'est Allah Qui surveille So bane serviteurs.
- **Fasbir inna wa-dallaahi Haqq.**
Prend patience, parski promesse Allah vrai.
- **Laa yaguurannaka taqal lubullaziina kafaruu fil-bilaad.**
Pas laisse mouvements bane infidèles dans pays et zot prospérité embête toi.
- **Mataa-un-qaliil.**
Zot jouissance pou courte.

- **Ibadour Allah Raheem-ouk-Allah. Faskeem Billah.**

Ô bane serviteurs d'Allah, la miséricorde d'Allah avec zot. Tini ferme avec Allah.

Voici rapport ki mo fine recevoir de la part de so grand garçon, K. Shanavaz Sahib :

Asalamoalaikum warahmathulahi va barakathahu

Asalam alaikum Huzur,

Nous papa ti prend médecines pour malade lécaire et poumon pendant 20 ans. Depuis deux jours, so difficulté pou respirer (étouffement) fine augmenter à cause de so malade dans poumon. A cause dans sa période de confinement là, nous pas fine ena le choix autre ki admette li dans l'hopitale gouvernement le 06 Mai 2020. Et le 07 Mai, environ 2:30 PM li fine décéder.

Kan li ti l'hôpital, zot fine dire ki c'est après ki zot gagne bane testes corona ki zot pou commence so traitement, entre-temps zot fine donne li seulement bane premiers soins. Kan zot fine découvert caillot de sang dans so mucus zot fine décider ki li ena corona (COVID-19). Et alors zot fine arrete donne li oxygène et fine amène li dans 'corona isolation ward' à peu près vers 1 PM, et dans ene ti moment après li fine décéder. (Inalilaah).

Et environ 2 :30 PM mo fine demande l'aide de Akbar Ali shahib de Jamaat Ahmadiyya [Ahmadiya Muslim Jamat] pou réserve ene place dans Kabarastan pou enterre li (li ti appelle moi avant sa pou demande nouvelle de mo papa, à propos de so la santé). Li fine discute de sa avec bane membres jamat et zot fine dire : « *Kaja Maideen sahib li pas dans nous Jamat pendant à peu près deux ans et li pas ti pé même vini pou Namaz Jummah, et gouvernement fine annoncer ki li positif pou corona et pou prend sa décision là, nous bizin gagne permission depuis Quadian et sa capave prend beaucoup les temps, alors alle ailleurs [pou fer zot bane démarches pou enterrer].* »

À environ 3 heures, officier sanitaire du Gouvernement fine contacter moi. Nous fine demande li permission pou enterre li dans nous propre place l'enterrement (VK Puram, [Siraj] Munir Masjid). Li fine refuse donne nous sa

permission là et fine dire nous ki dans sa situation là, nous pas capave saryé li loin et ki Gouvernement pou prend bane actions pou enterre li dans cimetièrè ki pli près de nous. Bane officiers Gouvernement, bane politiciens fine discute de sa zaffaire là avec bane membres Jamat Ahmadiya. Malgré ki au commencement zot fine refuser, mais après ki zot fine donne permission, zot fine envoye zot bane Khudhams et zot fine donne ene full support et aider bien beaucoup pou ki l'enterrement passe bien. Environ 9 PM en présence de bane officiers Gouvernement et avec l'aide de bane frères du Jamat et de bane Khudhams du Jamat Ahmadiya, so l'enterrement fine faire dans ene bon façon.

Huzur s'il vous plaît faire *dua* pou *Magfirath* de mo papa, pour le bien-être de nous famille, et pour ki nous Imaan vine de plus en plus solide.

Wassalaam,
K. Shanavaz
Secrétaire Finance
Frère de Salim sahib

*** *** ***

C'est so garçon Nazir Sahib, nous Secrétaire *Tarbiyyat* de Melapalayam ki fine dirige le Salaat-ul-Janaza de so papa, accompagné de quelques membres de so famille.

Nous apprécier saki Amir du Jamaat Ahmadiyya – Amir dans sa l'endroit là [Tirunelveli] fine fer – li fine prend ene décision très sage après ki bane officiers du gouvernement fine cause avec li. *Alhamdulillah*. Ki Allah aide li dans so travail, pour reste fidèle à bane l'enseignements de Hazrat Muhammad (saws) et du Messie Promis Hazrat Mirza Ghulam Ahmad (as). *Ameen*. Mo remercier bane Khuddam-ul-Ahmadiyya de sa l'endroit là aussi ki fine donne ene bon coup de main dans sa *Mayyat* là. Ki Allah ouvert zot chemin et aide zot pareil couma zot fine ouvert le chemin de nous bane membres du Jamaat Ul Sahih Al Islam et aide zot. *Ameen*.

Ki Allah continuer protège So Jamaat Ul Sahih Al Islam et So bane fidèles et élève zot statut dans sa le monde là et dans *Aakhérat*.

Ki Allah gagne pitié de So bane serviteurs et protège zot la foi contre le mal de So bane créatures. *Ameen.*

Après *Salaat-ul-Jummah*, mo pou dirige le *Salaat-ul-Janaza* de Marhoom Kaja Mydeen [*Khawja Mohyuddin*] Sahib. Ki Allah pardonne li pour tous so bane fautes et faiblesses, récompense li pour so fidélité envers Li et So Messenger le Khalifatullah de sa siècle là et accorde li ene place élevée dans le *Jannat-ul-Firdaus*. Ki Allah accorde So protection et So bane bénédictions à so famille et donne zot la santé, courage, patience et sérénité dans sa bane moments difficiles là. *Ameen.*